

Agiri-mota / Tipo de documento:	Ebazpen-proposamena /Propuesta de resolución
Data / Fecha:	2012-02-02
Nori zuzendua / Dirigido a:	BNetako Mahaiari / La Mesa de las JJGG de Gipuzkoa
Aurkezlea / Proponente:	Idoia Ormazabal, BILDU Itziar Agirre, EUSKO ABERTZALEAK Susana García, EUSKAL SOZIALISTAK Asunción Guerra, TALDE POPULARRA Rebeka Ubera, MIXTOA ARALAR
Batzarkide taldea / Grupo juntero:	BILDU, EUSKO ABERTZALEAK, EUSKAL SOZIALISTAK, TALDE POPULARRA, MIXTOA ARALAR

1457. 09-C-34-755

IZENBURUA / TÍTULO:

Ebazpen-proposamena, lapurtutako haurrei eta adopzio irregularrei buruzkoa, Bildu, Eusko Abertzaleak, Euskal Sozialistak, Talde Popularra eta Mistoia-Aralar batzarkide taldeek aurkeztua, Berdintasun Politiken, Giza Eskubideen eta Oroimen Historikoaren Batzordean eztabaidatzeko.

PRESAZKO IZAERAREN ARRAZOIA

Egoera larria dela-eta, Gipuzkoako Batzar Nagusiek berehalako erantzun bat behar dute.

ZIOA eta/edo AURREKARIAK / MOTIVACIÓN y/o ANTECEDENTES

40 eta 90eko hamarkadetan jaioberrien trafikoa eta adopzio irregularrak izan zirenaren susmo ugari daude; eta horrek alarma soziala piztu du, guztiz arrazoitua hain egitate ankerren aurrean.

Familia ugariei sinestarazi zieten seme-alaba jaio berria hil egin zitzailela; ordea, haurrak saldu egiten zituzten, umeen benetako jatorria ez zekiten familiei salduz.

Denboraren joanak, frankismoaren garaiko erregistroen zorroztasun eta kontrol ezak, eta ustez tartean zeuden pertsona asko hilak egoteak asko zailtzen du datu garrantzitsu asko lortzea eta salatutako egitateak argitzea. Hala ere, ebazpen-proposamen hau izenpetzen duten batzarkide taldeek uste dute oinarritzko giza-eskubideen urraketa izugarri horren biktimek merezi dutela ahaleginik handiena. Konpromiso horren arabera, honako hau izenpetu dute batzarkide taldeek:

EBAZPEN-PROPOSAMENA / PROPUESTA DE RESOLUCION

- Gipuzkoako Batzar Nagusiek Gipuzkoako Foru Aldundiari, Eusko Jaurlaritzari eta Gipuzkoako udalei eskatzen diete lapurtutako haurrei eta adopzio irregularrei buruzko elkarteei dagokien lankidetzeta eta finantzaketa juridikoki artikulatzeko, arautua gera dadin euskal erakundeek eman behar duten laguntza, eta hasitako nahiz etorkizunean egin beharreko ekintzen jarraipena egin dadin, besteak beste:
 - Dokumentazioa eskuratzen laguntzea eta erraztasunak ematea.
 - Aholkularitza zein arreta juridiko-administratiboa eta psikologikoa.
 - Gipuzkoako Abokatuen Elkargoarekin hitzarmena izenpetzea, Eusko Jaurlaritzaren Justizia Sailarekin elkarlanean, doako laguntza juridikoa emateko.
 - Maila ezberdineko erakundeek laguntza ekonomiko bat zehaztu behar dute, nahikoa izango dena kaltetutako pertsonen ikerketa-, antolaketa- eta salaketa-jarduerak mantentzea



ahalbidetzeko.

2. Gipuzkoako Batzar Nagusiek azterketa-batzorde bat sortuko dute hilabeteko gehienezko epean, Araudirako, Erakundeetarako eta Gobernurako Batzordearen barruan, zeinaren helburua izango den lapurtutako haurrei eta adopzio irregularrei buruz salatutako egitateetako organo eskudunek eginiko argitzeko zein ikertzeko jardueren jarraipena egitea.
3. Gipuzkoako Batzar Nagusiek Diputatuen Kongresuko eta Eusko Legebiltzarreko Mahaiari eta Bozera-mailen Batzordeari eskatzen diete 40 eta 90eko hamarkaden artean izandako lapurtutako haurren eta adopzio irregularren kasuak aztertu, ikertu eta jarraitzeko ikerketa-batzorde bat sortzea bultzatzeko, edo xede bera duen Araudiaren arabera beste fororen bat sortzea bultzatzeko.
4. Gipuzkoako Batzar Nagusiek Gipuzkoako Foru Aldundiko Gizarte Politikako Departamentuari eskatzen diote Faisoro haur abandonatuentzako etxeko erregistroen eta datu eskuragarrien eskaeren izapideak arintzeko, eta kaltetutako pertsona nahiz elkarteen esku jartzeko daukaten informazioa, beti ere, kaltetutako pertsonen esanbidezko baimena badute.
5. Gipuzkoako Batzar Nagusiek Gipuzkoako ospitale publikoei, ospitale pribatuei, ehorztetxeei eta hilerriei eskatzen diete laguntzeko eta kaltetutako pertsona zein elkarteen esku jartzeko daukaten informazio guztia, beti ere, kaltetutako pertsonen esanbidezko baimena badute.
6. Gipuzkoako Batzar Nagusiek eskumena duten erakundeei eskatzen diete datu nagusiak emateko kaltetutako pertsonen, datuak babesteko legearen interpretazio hertsirik egin gabe.
7. Gipuzkoako Batzar Nagusiek Estatuko Fiskaltza Nagusiari eskatzen diote lapurtutako haurren kasuetan sustatzeko eta errazteko kaltetutako pertsonen eginiko salaketen ikerketa, bai eta prozesu judizialen irekiera ere. Halaber, Fiskaltza Nagusiari eskatzen diote debekatzeko kasu horien artxiboak orokorrean ixtea eta ikerketarako bide berriak ukatzea.
8. Gipuzkoako Batzar Nagusiek Espainiako gobernuaren Justizia Ministerioari eskatzen diote lapurtutako haurren eta adopzio irregularren kasuetan kaltetutako pertsonen arretarako protokoloa mantentzeko eta egokitzeko.
9. Gipuzkoako Batzar Nagusiek eliza katolikoko organo eskudunei eskatzen diete Fiskaltzari, kaltetutako pertsonen eta elkarteen laguntzeko, jarduera-protokoloak ezartzen zentsuko erregistroen sarbidea eta erabilgarritasuna bermatzearren.
10. Gipuzkoako Batzar Nagusiek hedabideei eskatzen diete laguntzeko egitate horiek hedatzen, adoptatuak izan zirela uste duten eta jatorriari eta guraso biologikoei buruz zalantzak dituzten pertsona guztien bidea izan dezaten kaltetutakoen elkarteekin harremanean jartzeko.
11. Gipuzkoako Batzar Nagusiek erakunde eskudunei eskatzen diete DNA frogak dituen datu-base handi bat egiteko, ikertutako kasuetako identifikazioak erraztearren.
12. Jaioberrien bidegabeko jabetzeen eta adopzio irregularren ondorioz kaltetutako pertsonen laguntzeko



Gipuzkoako Batzar Nagusiek duten konpromiso irmoari eusten diote, eta adeitasun, elkartasun eta babesa adierazten diete.

13. Ahozko epaiketa irekiko balitz, Gipuzkoako Batzar Nagusiak akusazio partikular gisa pertsonatuko lirateke.

PROPOSATZAILEEN SINADURA/FIRMA PROPONENTES

Markel Olano Arrese
Eusko Abertzaleak

PROPOSATZAILEEN SINADURA/FIRMA PROPONENTES

Idoia Ormazabal Agirre
Bildu

PROPOSATZAILEEN SINADURA/FIRMA PROPONENTES

Rafaela Romero Pozo
Socialistas Vascos

PROPOSATZAILEEN SINADURA/FIRMA PROPONENTES

Juan Carlos Cano Aristoy
Grupo Popular

PROPOSATZAILEEN SINADURA/FIRMA PROPONENTES

Rebeka Ubera Aranzeta
Mistoa-Aralar